

EPISTOLA

ANATOMICA, PROBLEMATICA,

QUINTA & DECIMA.

Auctore

ALBERTO HENRICO GRÆTZ.

Ad Virum Clarissimum

FREDERICUM RUYSCHIUM,

Med. Doct., Anatomie ac Botanices Professore.

DE

Vasorum Sanguineorum extremitatibus, Placentæ
Uterinæ, Mammarumque Structura, &c.



AMSTELÆDAMI,

Apud JANSONIO WAESBERGIOS.
MDCDXXII.





Celeberrime & Experientissime

Vir, Fautor atatem colende,

Eſſi Harveus primus omnium merito habendus, qui præterito ſeculo egregium illud inventum, Circulationem ſanguinis, omnium retro ſeculorum, etiam præſtantioris notæ Anatomicis incognitam, invenit, & uſum Cordis, arteriarum & venarum ex parte in vita animalium comprobavit ac demonſtravit, uſus tamen verus vaſorum, & cum primis horum extremitatum in viſceribus æque ac in reliquis corporis humani partibus, Anatomicis hætenus non conſtitit. Nam pauci vel plane nulli medicorum dantur, qui non in eo ſolum cum Harveo conveniunt, quod per Cordis & arteriarum motum continuum deferatur vitæ theſaurus à corde ad omnes corporis partes, ut ex radicali illo humore, ſinguli in corpore humores originem ducerent; ſed circa instrumentum etiam, quo diverſa humoris ſecretio abſolvitur, præcipuam hanc ſovent opinionem, pororum, glandularum in viſceribus exiſtentium cum conformitati, tum partium ſecernendarum ſpecificæ figuræ acceptum referendum eſſe, quod Bilis in hepate, Urinæ in renibus, Lactis in mammis fiat ſecretio.

A 2

Eſt

Est hæc unanims Auctorum hypothesiſ, quam tamen Tibi, Vir Celeberrime, non ſatis facere magis magisque ſummo meo emolumento indies perſpicio ac cognoſco, cum ex immortalis opere, & humanam propemodum ſuperante laboris & ſtudii aſſiduitatem & pertinaciam, Theſauro Anatomico, tum etiam ex ſideli tua informatione. Satis enim ſuperque oculis noſtris exhibuiſti, argumentisque comprobavi, omnium viſcerum, in quibus ſolennes contingunt ſecretiones, fabricam non glanduloſam ſed vaſculoſam eſſe, vaſorumque extremitates (minime autem glandulas) reptatu, conſiſtentia ac ſtructura inter ſe diverſas, ſeparare omne id, quod ex maſſa ſanguinea ſecernendum ac ſeparandum eſſet.

Et certe ſi venarum & arteriarum officium, uti vulgaris Medicorum eſt opinio, in eo ſolum conſiſteret, ut venæ ſanguinem per arterias allatum à viſceribus reveherent, haud opus, credo, fuiſſet providæ Naturæ, diverſum ab alioque diſtinctum arteriarum & venarum curſum ac reptatum unicuique viſceri largiri, niſi præſtantiſior arteriarum extremitatum eſſet uſus, quam quidem in hunc uſque diem à medicis eſt creditum.

Ut ut autem tam vera hæc, quam quod veriſſimum, in hepate, liene, ac renibus deprehendantur, glandularum tamen exiſtentia in *ſtructura mammaram* externo non modo tractu, ſed etiam aſpectu, adeo evidenter oculis noſtris ſeſe ſiliſit, ut illæ ipſæ in dubium haud vocari poſſint. Huic etiam accedit omnium ſere Celeberrimorum Virorum de illis conſtans opinio.

Et ex illis primus Veſalius *de Hum. Corp. Lib. V. Cap. XVIII. p. 676.* ſequentia de *ſtructura mammaram* tradit: Porro, inquit, *ſubſtantia qua conſtant, glanduloſa, multo adipe abundans & venis utrimque frequentibus, & arteriis, perquam paucis prorſusque gracilibus, & aliquot denique nervis intexta. Nervi, qui ſemper iidem, in mamillas pertingunt, ac ſibi perpetuo ſimiles ſunt: vena autem craſſitie & contento humore admodum pro mamillarum mole, & quo tum funguntur munere, diſſerre admodum ſolent.*

Apud Adrianum autem Sigelium *de Hum. Corpor. Fabrica Lib.*

Lib. XX. Cap. II. p. 267. hæc leguntur: Videamus, loco inquit citato, quanta solertia ipsa clementissima Parens usa sit, & quam opportunam fabricam mammarum largita fuerit. Primo enim ex glandulosa substantia exstruxit, qua nihil ad coctionem omnibus numeris absolutam magis idoneum est: nec tamen unam tantum glandulam esse voluit, sed plures, ut tanto perfectius in pluribus conficeretur, imo ne abscessu ex lactis concretionem o-borto, mox periculum esset non amplius fruendi beneficio istius mamme. His intertextis Vasa, Venas & arterias. Et paulo post, Postquam ergo, ait, venas impleverit, a glandulis, per quas magno numero pluribusque plexibus sparsæ sunt, conficitur: confectus postea transfertur ad canales lactiferos, in quibus ad usum tamquam in promptuario asservatur. Ceterum hi tubuli ad ipsum mammarum centrum desinunt, & in papillam, ex qua lac infans exsugit.

Frustra, opinor, operam sumerem, si aliam, quam modo dixi, ex Veterum monumentis & Recentiorum libris opinionem haurire vellem. Quamobrem majorem in modum abs Te, Vir Celeberrime, peto, ut veram structuram Mammarum à Te nuper inventam cum Toto Orbe erudito communices. Audivi quoque ex aliis, maxime vero ex Te ipso cognovi, in placenta uterina novi quid Te adinvenisse. famam itaque Tuam non parum augebis, & eruditorum curiositati quam maxime satisfacies, si illud, quod novum circa illam aut alias corporis partes inveneris, explicatum ac depictum adjunges.

Hiscæ vale *Anatomicorum Princeps*, & ut Deus ætatem Tuam jam ingravescentem, in pericrutandis tamen Naturæ mysteriis indefessam, novis semper viribus augeat, & in seros utique annos conservet, est quod vehementer exopto. Vale iterum iterumque, & in Tuorum numero habe

Celeberrimi Nominis Tui

Cultorem indefessum

ALBERTUM HENRICUM GRÆTZ.

A 3

FRE-

FREDERICI RUYSCHII RESPONSIO,

Ad Virum Experientissimum

ALBERTUM HENRICUM GRÆTZ,
IN EPISTOLAM ANATOMICAM, PROBLEMATICAM
DECIMAM QUINTAM.

D E

Vasorum Sanguineorum extremitatibus, Placentæ Uterinae, Mammarumque Structura, &c.

Hiscæ accedunt nonnulla, circa penem detecta,
Figurisq; illustrata.

Experientissime Vir,



Letteræ tuæ justo quidem tempore mihi traditæ sunt, verum anceps hæsi, utrum ad quæsita responderem, nec ne. Nuda enim responsione, figura non adjecta, me Tibi haud satisfactorum, pro certo habebam, & quantum temporis impendere cogar figurarum exhibitioni, nemo facile credat, cum nullas proferam figuras, quin objecta, ad quæ conficiuntur, domi reservem, illæque tam accuratè debeant respondere objectis ipsis, ut nil mihi videatur deficere. Præterea satis molestiæ mihi creant descriptiones meorum Thesaurorum, ratione figurarum, quibus ornantur;

tur; ne dicam de praxi Medica, quæ me satis occupatum habet. Cum tamen in memoriam revoco, quanto amore & affectu me profecutus fueris, cum apud nos degeres, vix ac ne vix quidem id declinare potui. Ut igitur Tibi morem geram, en succinctam ad Tuas responfionem.

Quæ à me exigis, Vir Expertissime, fequentia funt, fc. Mammarum vera ftrutura, ut & ea, quæ nuper circa Placentam Uterinam, aut alias corporis partes, detexi.

Quod ad primam attinet, cum anno præterito publicam haberem diffectionem Anatomicam, Te præfente, demonftravi veram Mammarum ftrutura, longe difcrepantem ab ea, quam cum ceteris Anatomicis olim credideram; omnes enim, quotquot fuper hac re confului & evolvi auctores, unanimiter exiftimarunt Mammarum fabricam ex Glandulis, aut Glandolis corporibus effe coagmentatam, integumentis & vafis exceptis.

Si quis autem Mammæ rite examinaverit, reperiet earum constitutionem neutiquam effe glandulofam, fed vafculofam.

Hæc autem fubftantia Vafculofa nufquam in glandulas particulares eft fubdivifa, fed ubique conjuncta. fi autem Mamma fit morbofa facta, & in hac vel illa parte obftructa fint vafa, tunc ceu in glandulas non raro divifa nobis occurrit.

Eadem quoque facie apparet Mammarum pinguedo, fi Mamma incidatur. illa enim in cellulis rotundis locata, Glandulas mentitur; fubftantia autem mammæ nufquam in particulas fubdividitur, quæ Glandulæ nuncupari poffint.

Quæres forfan, fi Mammarum fubftantia (præter integumenta univerfalia) conftituatur ex meris vafis fanguifluis, ut & lactiferis, ubinam loci lac conficiatur, & quo fonte hauriatur materia in lac convertenda, Refpondeo, quamvis propter fubftantiæ tenacitatem ad oculum nondum demonftrare valeam inofculaciones extremitatum Arteriolarum cum ductibus lactiferis, tamen earum conjunções valde confentaneas effe contendendo, lactifque rudimentum in extremis Arterioliis ex feroſitate fanguinis confici, & in extremis ductibus lactiferis perfici, & tandem in ramulis capacioribus ad tempus refervari, donec fuggendo, comprimendo, aut fua fponte, præ copia exitum fibi quærat.

Sanguis

Sanguis autem refluus à Venis recipitur, idque per Anstomoles fieri existimo, quantumvis eà quoque videri nequeant. Simili quoque modo semen in Testiculis rudimentum capefit, & tandem in Parastatis, Vasis Ejaculatoriis, ut & Vesciculis seminalibus magis magisque perficitur. tandem in actu Veneris albedinem & majorem crassitudinem acquirit, nullis intercedentibus Glandulis, aut aliis corporibus visibilibus.

Dico idem semen magis magisque perfici in Vesciculis seminalibus, in quibus ad tempus conservatur: peculiare autem contentum, à dicta materia diversum, haud reperies in vesciculis seminalibus, quamvis Clariss. Hornius, Professor, dum viveret, Leydeniis, & Promotor meus æternum colendus, illud velit in suo Microcosmo. si enim vasa excretoria flatu repleas, uti facere solebam Te præsentem, & ante dies aliquot in publico Theatro id demonstravi, semper replentur Vesciculæ dictæ, ita ut semen in cellulis contentum, idem sit semen, quod rudimentum accepit in Testiculis.

Iconisum Mammarum hac vice non addam: plura enim experimenta facere conabor, quæ ad majorem dilucidationem nobis erunt, modo subjectorum copia mihi detur. Super hac re nonnulla reperies in descript. Thef. IV. quem Tibi Vir Exp. jam mitto.

Quod ad secundam petitionem attinet, sc. ut publici juris facere velim, quicquid novi circa Placentam Uterinam inveni, illud in Thesauro V. quem brevi conabor in lucem edere, exponam, adjectis nonnullis figuris.

Ultimò a me petis, ut si quid novi præterea invenerim in corpore humano, huic Responsioni inferere velim.

Abhinc aliquot annis me convertebam ad perscrutandam Penis Virilis admirandam structuram, admirandam dico, cum in hac parte varia occurrant, quæ si rite intueamur, reperiemus in nulla parte corporis magis elucescere Divini Opificis opera, quam in illa.

In dicta investigatione observabam nonnulla, quæ tunc temporis luci exposui, uti videre est in Observ. meis Anatomico-Chirurgicis. Inter illa haud infimum locum occupabat Glandis structura, quæ ad illud usque tempus in tenebris latuerat. Quotquot enim auctores de hac parte scripserant, unanimiter sentie-

sentiebant, Glandem Penis carnem esse mollem; alii existimabant carnosum corpus esse, aliis audiebat flaccidum & carneum, aliis spongiosum, tamen diversum à cæteris Penis partibus, &c. Clariss. Regnerus de Graaf, quo familiarissime utebar, licet omnes antecelleret in Penis descriptione, in Glandis tamen descriptione rem tantum superficialiter egit, & in opinione aliorum acquievit, ceu patet ex tractatu ejus de Virorum Organis Generat. inservientibus. Verba ejus sunt; *Duobus corporibus nervosis & Urethra jam descriptis, in anteriori quasi parte apponitur substantia quædam, reliquis Penis partibus carnosior apparens.* Ego vero eo tempore detexi Glandis substantiam neutiquam esse carneam, peni appositam, sed continuam cum tribus corporibus nerveo-spongiosis. Vide Observat. meas Anatomico-Chirurg. Aº. MDCCXI in lucem editas, fol. 127.

Jam autem cum dies diem doceat, reperio Glandem Penis ubique scatere papillis nervosis, extra Glandem propululantibus, non solum in cæstro Veneris percitis, verum etiam post mortem, si Penis flatu aut aqua ita repleatur, ut rigidus fiat, & sic ligetur: ut autem hoc magis elucescat, ante inflationem macerandus Penis in aqua simplici, & post inflationem & ligationem exponendus Radiis solaribus; & sic oculis non solum armatis, verum etiam nudis dictæ papillæ in conspectum venient, & præsertim quidem inter Præputium & Glandem, vel ubi Præputium Glandi est continuum.

Hæc autem Papillas magnum habere commercium cum Papillis cutaneis, & præsertim cum iis, quæ in Papillis Mammarum inveniuntur, & à me in Thesaur. I. sunt descriptæ, nullus dubito; ratione formæ enim, imo usu in eo conveniunt, quod, sicuti Papillæ cutaneæ, quæ sunt in Papillis Mammarum perfecte sanis, delectamentum excitant mulieribus tempore suctionis, sic quoque hæ nostræ Papillæ Glandis voluptatem procreant coeuntibus. cum autem malo quodam afficiuntur, sc. excoriatione, ulceratione &c. dolorem intolerabilem æque excitant, ac Papillæ Mammarum; suntque dictæ Papillæ nostræ ea corporis pars, quæ sæpissime afficitur ulcere in coitu scædo: unde multoties ita excrescunt, ut cristas mentiantur, unde etiam nomen

Cristarum Gallinarum adipiscuntur, postquam in majorem molem excreverint.

Porro me conferam ad alia, quæ in Pence virili sunt consideranda.

Penis integumenta universalia sunt, Epidermis, corpus reticulare & Cutis: ast vero præter illa, observandum, Penem obduci integumento, seu involucri nervoso externo, crasso, sub eo membrana cellulosa, & involucri seu integumento nervoso interno.

Quod ad primum attinet, sc. involucri nervosum externum, illud admodum validum esse, nemo negabit, cui volupe erit illud investigare; & hoc necesse erat, ne Penis in erectione validiore julto crassior & ineptus evaderet.

Secundum autem involucri, seu membrana, mihi cellulosa, inter duo integumenta nervosa sita, tenuis est, nisi cellulæ flatu repleantur, unde calami scriptorii crassitiem non raro longe superat, sicuti ex annexa 4. figura liquet.

Quamvis autem dicta figura repræsentet Lamellam Penis, cujus membrana cellulosa flatu à me est repleta & exsiccata; ut luculenter appareat dictam membranam cellulosam esse, scias tamen velim, Exp. Vir, idem contingere iis, qui ulcere Penis, Gonorrhæa, Phymosi & Paraphymosi sunt correpti; verum enim non est, Penem in tali casu summopere incrassari, cujus incrassationis causa solummodo consistit in repletionem dictarum cellularum, non autem à repletionem corporum nerveo-spongiosorum, Penem maxima parte constituentium. Pellulæ replentur in hisce affectibus aurâ, quæ provenit à pure acriore, quod fermentando halitus calidos procreat; hinc etiam remedium est, si Penis, in hoc affectu, in aqua frigida per horam detineatur, unde sæpe statim detumescit.

Dicta membrana cellulosa, quæ in hac parte magis tenera, quam quidem sub cute abdominis, aut cæteris corporis partibus, continua est cum membrana Dartos, & hæc cum membrana Adiposa, sub cute corporis sita; hic autem omni pinguedine est destituta, ita ut cellulæ sint vacuæ (uti vulgo loquimur) & ita sibi invicem impositæ, ut membrana dicta nequam cellulosa appareat in dissectione Anatomica, & contra, si flatu repleta sit, myriades cellularum sese videndas exhibeant,

spumæ

spumæ instar, idque non solum in Pene, verum etiam in Glande, cui hæc membrana quoque integumento est. Vide figuram 3.

Hinc etiam fit, ut in dictis affectibus Penis non raro incurvetur, & instar arcus sese contorqueat. Vide figuram 3.

Tertium autem Penis involucrum nervosum & intimum immediate ambit corpora nerveo-spongiosa, estque non minus validum, quam extimum.

Ope dictorum integumentorum Penis in sua erectione continetur, ne nimis & præter ordinem sese extendat. cum autem nobis aliquando occurrit durities quædam secundum penis longitudinem sita, unde etiam non raro contorquetur, (tamen sine incrassatione præternaturali) nec recto tramite extendi potest, hoc locum habet in duobus istis integumentis nervosis.

Homines sæpe mihi questi sunt de chorda dura in Penis parte inferiore: hæc autem nil aliud, nisi induratio dictorum integumentorum nervosorum, idque solummodo parte inferiore.

In Glande Penis, dicta tria involucria quoque reperiuntur, Glans enim est Penis continuatio, & per consequens gaudet iisdem integumentis, eo tamen discrimine, quod hæc omnia in Glande sint delicatiora, & teneriora: extimum autem integumentum Epidermidis loco est, secundum cellulosum, forsitan vices gerens corporis reticularis. ex tertio & intimo prodeunt Papillæ Glandis.

Hæc ita se habent. Ut quam felicissime valeas, atque in perscrutandis Anatomicis rebus, in quibus plurimum proficisci, perseveres, fratrisque defuncti velligia sequaris, voveo atque opto,

Expertissime Vir,

Virtutum Tuarum cultor inter primos,

FREDERICUS RUYSCHII.

Dabam Amstelodami
2 Martii, 1704.

B 2

TABU-

TABULA XIX.

Varias Penis portiones exhibet, a cute in totum destitutas, aut denudatas.

FIGURA Ij

Penis rigidi, in liquore conservati, portionem demonstrat.

- A. Papillæ minores, per glandis superficiem disseminatæ. B. Papillæ majores, inter præputium & glandem constitæ.

FIGURA II.

Penem, à cute denudatum, prægressa Balsamatione, exsiccatum, & pro-na parte Visum, repræsentat; hujus corpora nerveo-spongiosa non solum, verum etiam Tunica cellulosa, inter duo involucri crassa, nervosa, sita, inflata sunt.

- A. Superficies Tunicæ cellulosæ, ab involucri exteriori crasso, nervoso, denudatæ. F. Tunicæ cellulosæ crassities post inflationem.
B. Unius lateris corpus Nerveo-spongiosum majus. G. Margo interioris involucri crassi.
C. Meatus urinarius. H. Partes Tunicæ cellulosæ, quæ post separationem relictæ sunt superfici interiori involucri crassi.
D. Exterioris involucri crassi & nervosi superficies interior, prorsus denudata ab omni tunica cellulosa. s. Septum, inter duo corpora nerveo-spongiosa situm.
E. Glans, per cujus superficiem nullæ visuntur Papillæ, propter

FIGURA III.

Penis partem anteriorem incurvatam exhibet, cujus sola Tunica cellulosa est inflata, & exsiccata, neglectis corporibus nerveo-spongiosis.

- A. Pars Penis anterior incurvata, & denudata ab integumento crasso ext. B. Exterioris involucri crassi portio, quæ hic relictæ. C, C,

C. C. Tunica cellulosa inflata.

D. Glands.

E. Particula integumenti extimi glandis, separata, ut tunica cellulosa aequè bene in conspectum

veniret, ac in Penis parte majore.

F. Tunica cellulosa glandis, denu- data ab involucre extimo.

FIGURA IV.

Demonstratur Lamella Penis, cujus tunica cellulosa solum est inflata, neglectis corporibus nerveo-spongiosis majoribus, ut crassities ejus, post inflationem, videri queat.

A. Tunica cellulosa inflata.

B. Corpora Nerveo-spongiosa non

inflata, & per consequens contracta.

FIGURA V.

Exhibetur Lamella Penis Balenæ, artificiosè preparata, ut interiora patenterent. Notandum interim me eam partem hic representare, quæ erat in Penis medio, quia longe crassior erat, circa partem abdomini proximam.

A. Involucrum Penis crassissimum, bina, uti in homine, non inveni, neque etiam Tunicam cellulosa, aut peculiare septum.

B. Chordæ nervosæ, Penis partem anteriorem constituentes, quas

inter plurimæ cavernæ, sanguinis transitum in erectione admittentes.

C. Urethræ corpus nerveo-spongiosum minus.

D. Meatus urinaris.

FIGURA VI.

Lamellam Penis humani exhibet, inflatam, & exsiccata, neglecta tunica cellulosa, quæ hic non inflata.

A. Utrumque involucrum crassum, sibi invicem ita adhærens, ut simplex nobis occurrat, propterea quod Tunica cellulosa non est inflata.

B. Sinistri lateris corpus nerveo-spongiosum majus.

C. Septum inter duo corpora nerveo-spong. situm.

D. Corpus nerveo-sp. minus urethram ambiens, superiore parte excepta.

E. Fibræ nervosæ è septo produntes, & in integumento crasso in-

B. 3

teriore

teriore definentes; quarum ope
Penis quoque coarctetur, ne ab

extro Venereo in molem, justò
crassiorém extendi possit.

FIGURA VII.

Penis Virilis Lamellam demonstrat.

- | | |
|--|---|
| <p>A. Utrumque involucrum crassum
nervosum exsiccatum.</p> <p>B. Corpus nerv. spon. maj. lateris
sinistri.</p> <p>C. Septum Penis.</p> <p>D. Corpus nerveo-spong. minus,</p> | <p>urethram in totum ambiens, se-
cus ac in Lamella supra citata.</p> <p>E. Fibrae nervosae supra memora-
tae, oblique per Penis corpora
nerv. spong. maj. dispersae.</p> |
|--|---|

